

居易錄

一函
八冊

居

易

錄

居易錄自序

古書目錄經史子集外厥有說
部蓋子之屬也莊列諸書為洞
冥揆神之祖亦史之屬也左傳
史漢所紀述識小者鈎纂剪截
其足以廣異聞者亦多矣劉歆
西京雜記二萬許言葛稚川以

行史家往還取裁焉如王明清
揮麈三錄李心傳建炎以來朝
野雜記之屬是也予自束髮好
讀史傳竊及說部聞有古本為
類書家所不及收者必展轉借
錄老而不衰二十季來官京師
每從士大夫間有所見聞私輒

掌記芟其繁複尚得二十六卷
目曰池北偶談南海之役裒道
路見聞別為皇華紀聞四卷康
熙己巳冬杪重入京師時冬不
雪其明年春夏不雨米價踊貴

天子憂勞為罷元正朝賀遣大臣分
賑畿南北
命大司農禱雨

泰山余備員卿貳時惴惴有尸
素之懼在公之暇結習未忘有
所見聞時復筆記歲月既積得
數百條釐為三十四卷憶顧況
語長安未貴居大不易因取以
名其書予仕宦四十年居易俟
命鈍拙無似而顧以此蒙知

主上則首陽柳下又未知孰為工拙
也取以名書亦以見志云爾

經筵講官刑部尚書前都察院掌院
事左都御史濟南王士禎序

居易錄卷一

濟南 王士禎 著

婺源黃

昌衢

刻宋范石湖詩集二十卷中多闕文吳郡

門人顧

嗣協

迂客亦刻石湖集摹宋板最工後村云石

湖詩三十四卷今顧刻卷數正合

慈谿友人姜

宸英

西溟示唐摹十七帖紙韌堅好點畫

無闕失真古物也秀水曹侍郎秋岳

溶

跋云貞觀中

盛購右軍墨蹟裴業進士以草書來上首有十七日

字遂呼十七帖今石刻傳世有二本唐刻尾有敕字

及解勒褚校者卽此本也南唐後主得賀知章所臨

散刻澄心堂帖中王著再摹入淳化帖賀本也不及
勅字本遠甚右軍真蹟存者幾絕得此足以豪矣

海寧刻元戴表元剡源集四卷餘姚黃宗義太冲定本

也戴以古文名淳祐大德間與柳貫齊名袁桷師事

之予昔在京師借鈔其集于門人陳赤衷葵獻亦太冲

門人

海鹽胡孝轅震亨唐詩統籤戊集二百一卷皆晚唐五

代人詩孝轅撰統籤起甲訖癸凡千餘卷未盡刻梓

此其什一也

門人王朱玉元式崑山人官國子監博士嘗有句云秋

雨茂陵人獨卧西風汾水雁還來鬱鬱不得志謝病
歸遊贛州今年客死鳩茲可哀也太倉崔舉人華字
不雕詩尤清異出塵有句云丹楓江冷人初去黃葉
聲多酒不辭人目爲崔黃葉亦不得志以歿予載其
詩于感舊集二君皆予順治庚子所得士

柘城王

培

益仲官新河知縣宋布衣登春號鵝池生

者縣人也益仲爲置祠立碑爲文祭之祭之日有雙
天鵝來立碑上人皆異之柘鄉魏相國以下賦詩者
數十人登春居江陵之天鵝池因以自號所產故里
曰六戶鄉今改天鵝聚云益仲又刻其雜文一卷詩

古今體二卷爲宋布衣集

朱檢討

夔尊

竹垞貽所撰日下舊聞四十二卷所引書

至千三百餘部又所刻十家宮詞爲倪檢討

榮

雁園

家宋刻本唐陝州司馬王建蜀花蕊夫人石晉丞相和凝宋宣和御製丞相王珪珪子仲修學士朱白中大夫張公庠直祕閣周彥質又胡偉集句凡十家

興化李侍讀

耕

木菴過訪言其父映碧先生

清

嘗著

南北史合注人李延壽南北史爲主以八書作注率仿裴松之注三國志例又纂南唐書推爲正統以陸游書爲主而以馬令書及諸野史作注此稿予昔于

故友葉文敏訥菴方處見之

工部侍郎王岳生

祖承

說鱉魚血綠孫光祿

贊

孝堪因

言墨魚過則海無魚墨魚卽烏鰂也蓬萊藥鴻臚言
海族惟鰕最大有如一島者漁人往往見之

楊子卮言云佛詩曰偈佛文曰薊劉熙釋名云薊別
也大書中央中破別之也薊在佛爲授記在俗用爲
文契合同也

黃

虞稷

俞邵言徐司寇健菴

乾

奉

旨歸吳修一統

志借內府書有元岳璘所修一統志殘本尚二十餘
大冊計全書不下千卷

吳天章

雯

說薊州獨樂寺觀音閣凡三層其額乃李

太白書梁拱榑櫨皆架木爲之不施斧鑿己未地震
官廨民舍無一存閣獨不圯菩薩像高與閣等約六
丈有奇乃酸棗木爲之予鄉淄川縣黃埠村東有酸
棗一株兩人縈手始合抱其大不減粵東榕樹也

江盈科進之集中咏張浚一絕句云禹聖安能蓋鯀
凶曲端冤與岳飛同何人爲立將軍廟更如頑金鑄
魏公予昔于慈仁寺市觀浚墨蹟極劣因題一詩跋
其後云巴西白骨接苻離二十年中幾喪師太息長
城君自壞軍中空卓曲端旗宋岳侍郎珂著程史述

曲端本末甚詳

馮舍人大木

廷槐

言在祕府見豫章先生熊朋來集舊

刻極完好予曩從葉侍郎訥菴鈔得豫章集七卷似
非全書

天章賦予西城別墅古詩十四首甚工聊錄數篇于

左

石硯亭云

風動袈裟角洪濤四溟吼如何不動搖片石土

囊口爲賞正定心添種菱三畝

樵唱軒云

采山因采真歸來

發高唱衣上烟霞斑雜坐無禮讓身忘草木年心寄

尊盧上

小華子岡云

右丞禪悟人千古生則倣每思茱萸泝

一理敬湖棹何意春城西犬吠夜如豹

小善卷云

洞中過天

地居然小善卷焚香還晏坐獨理朱絲絃溪割罨畫

水人耕陽羨田

竹徑云

欹側錦石路窈窕無凡卉去去綠

陰中涼風動斐亶仙人何處來一萬青鸞尾

鸞臺云

蘇門

有高士求怒不可得出水仍大笑妙意誠難測爲想
鳳鸞音崇臺願矜式

二程遺書一條云貴姓子弟於飲食玩好之物直是
一生將身服事不懈如管城之陳醋甌洛中之史畫
匣是也噫今之世家子弟其不爲醋甌畫匣者鮮矣
若擣蒲六博之好往往破家覆產又不止畫匣而已
近京師筵席多尚異味予酒次戲占絕句云灤鯽黃

羊滿玉盤萊雞紫蟹等閒看不如隨分閒茶飯春韭
秋菰未是難嘗憶前輩有詩云秋來霜露滿東園蘆
葍生兒芥有孫我與何曾同一飽不知何苦食雞豚
每喜諷之此仁人所當念也

翰林院署前積沙號沙堤形家言衙門風水所係明
嘉靖初張桂用事去之詞林幾至空署近當事欲並

開東西門稍去其半數月間孟讀學端士

亮

沈讀學

宗子

上

王侍讀龍洲

鍾

等七人皆去位曹祭酒峨嵋

禾

朱讀學天敘

典

趙宮贊伸符

執

亦以他事註誤去

其驗如此

門人陳

奕禧

子文海寧人善爲詩尤工鍾王書法以太

學上舍仕爲安邑丞著臯蘭載筆益州于役記十餘
卷詩格尤進如斜日一川汧水北秋山萬點益門西
之句不愧古人予少爲揚州推官時偶見泰州同知
趙三麒一詩云虞舜昔南巡不見南巡跡但畱此墓
旁一片瀟湘石因呼與語會雄縣人馬之驢主江都
簿能詩撰詩防若干卷予皆禮之每詫人云吾以屈
宋作衙官矣抱關擊柝中莫謂無人人自不知耳弇
州先生有詩云馬頭拜迎不敢忽恐有當時高蜀州
用心如此詎有遺才耶陳近遷知深澤縣予曾序其